



ՄՈՍԿՎԱՅԻ ԵՎ ՀԱՄԱՅՆ ՌՈՒՍԱՍՏԱՆԻ ՆՈՐԻՆ ՍՐԲՈՒԹՅՈՒՆ ՊԻՄԵՆ ՊԱՏՐԻԱՐԺԻ ՆԱՄԱԿԸ

ՆՈՐԻՆ ՍՐԲՈՒԹՅՈՒՆ ՎԱԶԳԵՆ Ա
ԾԱՅՐԱԳՈՒՅՆ ՊԱՏՐԻԱՐԺ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ


Ս. Էջմիածին

Ձերդ Սրբություն, սիրեցյալ Եղբայր ի Քրիստոս:

Ձեր ուղերձը այն մասին, որ այս տարվա ապրիլի 24-ին Հայաստանյայց Առաքելական Եկեղեցին և ողջ հայ ժողովուրդը, ի Հայաստան և ի սփյուռս աշխարհի, պիտի ոգեկոչեն հիշատակը նրանց, որոնք 70 տարի առաջ ցեղասպանության զոհ դարձան Արևմտյան Հայաստանում, վշտագին հիշողություններ արթնացրեց մեր մեջ՝ այդ ողբերգական իրադարձության մասին, և մեզ մղեց սրտաբուխ աղոթքի՝ կործանված բյուրավոր անմեղ կյանքերի համար: Սա մի ծայրագույն փորձություն էր, որ բաժին ընկավ բազմաչարչար հայ ժողովրդին:

Բոլոր հայերի համար անմոռանալի այդ օրը մենք մեր աղոթքները կմիացնենք Ձեր Եկեղեցու և բոլոր հայ մարտիրոսների աղոթքներին, մարտիրոսներ, որոնք նահատակվեցին այդ տխուր օրերին: Թող բարերար Աստված հանգիստ տա 70 տարի առաջ տառապած բոլոր անմեղ հոգիներին: Հավերժ հիշատակ նրանց:

Թող 1915 թ. եղեռնի զոհերի հիշատակը վճռակամություն տա մեզ՝ չարի դեմ պայքարում: Ձերդ Սրբություն, համաձայն ենք Ձեր առաջարկին՝ այդ օրը աղոթելու նաև ամբողջ աշխարհի խաղաղության համար, որպեսզի երբեք և ոչ մի տեղ չկրկնվեն նման ողբերգությունները, որպեսզի մեր տագնապալի դարում մարդը ընտրի ողջմտության ուղին:



Շուտով մենք համատեղ աղոթքի ևս մի առիթ պիտի ունենանք այն պո-
հերի համար, որ մեր ժողովուրդները ունեցան 1941—45 թթ. Հայրենական
մեծ պատերազմում: Հաղթանակի ուրախությունը, որի քառասունամյակն է տո-
նում մեր երկիրն ու ամբողջ առաջադեմ մարդկությունը, պուզակցվում է կրած
կորստի և վշտի պգացման հետ, և նրանց հիշատակը երբեք չի մարի մարդ-
կանց սրտերում: Մենք պարտական ենք նրանց առաջ, ովքեր իրենց կյանքը
հատուցեցին մեր կյանքի համար:

Ձերդ սիրեցյալ Սրբություն,

Մաղթում ենք, որ Դուք ամուր առողջությամբ և Աստուծո ամենավոր օգ-
նությամբ հաջողապես իրագործեք Ձեր քահանայապետական ծառայությունը՝
հուրախություն Հայոց Սուրբ Եկեղեցու բոլոր հավատարիմ զավակների:

Ձեր նկատմամբ մեծ հարգանքով և ի Քրիստոս անդավաճան սիրով՝

ՊԻՄԵՆ

ՄՈՍԿՎԱՅԻ ԵՎ ՀԱՄԱՅՆ ՌՈՒՍԻՈ ՊԱՏՐԻԱՐԺ

№ 1001

10 ապրիլ, 1985 թ.

Ք. Մոսկվա

